

你太拙先生遺集

楚萍草序

新安范 良眉生譔

丙申秋半太拙先生自關中來客余山館者累月飲酒賦詩無虛日其胸藏賅括經術貫穿古今又爲之辨難析疑疊疊不少倦洵今日習鑿齒也至於所爲詩氣格高老雄健非常兼茂秦子鱗之美雖山左才人代爲雄霸余於先生蓋有積薪之喻矣向覽雪鴻三素兩編已驚怖先生之言嘆爲獨步若斯楚萍一帙則道路關河供其歌嘯俾讀之者不啻聳身雲霄之中放眼萬里之外匠心慘淡波瀾老成較之前編又進一格余亦烏能

盡先生之奇也哉昔者孫敖陶謂魏武如幽燕老將氣
韻沈雄移贈先生或庶幾得其彷彿云爾

楚萍草序

李煥章撰

隋貞子向余言太拙詩與吳梅村先生合刻貞子端諒
士語自不妄余嘗嘆濟南稱詩大家百餘年爲楚人所
詬厲空同大復亦不免南北人水火非一日矣曩者周
櫟園先生刻余文賴古堂選中人謂櫟園雖分派西江
寓白門而大梁實其佔籍地賴古堂選論其文工不工
南北弗計也今太拙詩刻在南中與梅村合乃空同大
復濟南所不能得於今日者余過姪翼皇塾舍見太拙
遺詩八十四首名楚萍草更遠勝前三素雪鴻諸稿貞

子所見得無多取於此耶嗟乎士大夫當顯貴時其襲
氣勢圖溫飽意不在詩賦古文詞無論間有一二謬好
著業才一操觚門人故舊幕員寮從爭諛美豔稱之謂
非貧賤人所及刻之棗梨自以爲不朽迫其沒而聲華
銷歇其所謀篇胥化爲風煙蕩爲灰燼反不得與寒廡
破壁窮困憔悴落拓無聊之徒爭鉛墨一日之短長噫
亦可以愴然而悲矣數十年來詩之工者無如梅村梅
村首南宮擢大廷官翰苑海內之士奔走於其門四十
年是與虞山櫟園並號大家頡頏空同大復濟南踰宋

元而追三唐者而與太拙合輯同編吾不知其負貴好
權與微而下者其於千秋之業孰爲得失輕重孰爲幸
不幸貧賤之士不宜驕語巖穴哉

士不宜和

士不宜和

士不宜和

徐太拙先生遺集

樂安徐振方著

同邑後學成

榮光煥五賢書陶琴

甫編次

歷城後學劉恆發仲華甫叅校

卷之七 楚萍草

五言絕

題柴桑李逸人壁二首

其一

濯足匡廬瀑洗耳彭湖水不知何許人漁翁或樵子

其二

牀下遊山屐牀頭漉酒巾
羲皇豈敢上差比葛天民

白鹿洞三首

其一

徑轉疑無地林深別有天
回頭烟杳靄放屐草芊緜

其二

玉洞懸白蝠瑤壇繡紫苔
閒雲封谷口莫放俗人來

其三

波光蕩青冥蟬聲沸林樾
薄暮倚石臺徬徨待明月

五言律

召伯埭

謝傳留遺跡甘棠世並傳客爭荒歲米漁亂夕陽天來
往千帆過飢寒萬衆牽誰憐奔命苦益嘆昔人賢

大明寺第五泉和李平子

古寺何年建名存第五泉登臨依日月斟酌味羹玄蒼
蘚銀牀路荒村杜宇天野人能抱甕還灌漢陰田

昭陽訓王象山二首

其一

九州千戈裏高枕一牆東揚子秋濤白扶桑曉日紅谷

空猿鶴響亭敞芰荷風寥廓高情在題詩寄轉蓬

其二

詩自去年至我方夢澤遊塵埃徒自苦明月未遑酬海
上蓬萊近淮南桂樹秋子喬笙鶴在招我碧山頭

鶴林寺二首

其一

法界何清曠蕭蕭竹院中山迷黃鵠夢霞放杜鵑紅碑
古苔侵字巒深翠撲空塵勞閒半日啜茗聽松風

其二

幽徑通雙樹香台揖衆峰簷鈴明月語澗戶野雲封修
竹藏僧榻空庭響客筇黃昏入城郭遙識上方鐘

龍潭道中

秋色滿昭關西行二日山帘飄紅葉外僧住翠微間驛
路輪蹄急漁舟歲月閒十年三醉此對菊再舒顏

靈谷寺詠梅

明月舞霓裳青天白鳳翔幾時還鼎鼎一笑過冰霜敢
負東皇約猶存太古香短牆橫鐵幹冷豔照斜陽

潤州閱邸報

六月日維五軍書嶺外來風生莊驕劍雲起趙陀臺岳
色旌旗改江聲鼓角哀南征貔貅虎士冒暑渡瀘回

甘露港卽事

赤日趨羣望西風顙百靈江湖秋見底雲漢夜瞻星龜
坼田從裂龍移窟失腥數峯江上色不似舊時青

江行乙夜聞鷄

揚帆白鷺洲耀武試貔貅慚愧滄海客張皇雲夢遊海
風乘虎嘯朔雪滿羊裘夜淺鷄聲早相呼看崩緹

三山

直到青天外三山半日程登艫舉秀色擊節亂濤聲酒
醒白門遠雪消采石晴衰年猶役役慚愧野鷗盟

蕪湖阻風

蔽江飛萬艫幾日泊鳩茲何意初冬雨淹留六月師弓
刀閒鷁首雲霧隱蛾眉千古澆愁物青蓮舊酒卮

豫章閱武同友人往觀用右丞韻時正月十六日

三首

其一

穿雲聽鐫鳴飛將老龍城亂後乾坤碎恩深海岳輕雙

韃驅猛獸單騎劫仇營倚醉聞童僕黃巾平未平

其二

長歌缺欲鳴春草綠空城月滿燒燈罷山晴躡屐輕隔
江鐘出寺燿日甲連營敢曰能馳驟橋危路不平

其三

雕鞍駿馬鳴騰蹠動嚴城寶劒芙蓉冷春衣楊柳輕野
僧循僻徑遊女避行營莫上龍沙望扁舟江水平

滁州懷李繪先魏元襲

當日攜良友環滁幾度遊醉翁亭上酒開化寺中樓一

別人如雨重來意似秋可憐西礪水猶是向東流

清流關

鳥道穿雲上松篁見古祠江淮南北路豐鎬帝王基石
氣蒙塵暗泉聲入澗悲當年空設險立馬看殘碑

磨盤山

磽确羊腸路紆回不易尋側身避短壑旋馬遶危岑地
險虞伏莽囊空釋戒心征夫愁日暮煙火望前林

永城

行盡江南路驅車入太邱野風白日冷荒草綠雲稠清

磬煙中寺疎林郭外樓塵容堪自哂吾道本滄洲

裴弘墓

自恨精誠薄何曾怨殺身丹衷惟向日碧血不爲憐古
樹寒鴉暮荒墳野蔓春黃泉心不死猶傍屬車塵

華陰

物色秦中異風煙取次看岳蓮拔地起仙掌撲人寒白
日黃河急青天蜀道難休嗟行役苦車馬近長安

華州

關中形勝地華郡甲邦畿兵過雞豚散村稀煙火微野